



UNIVERSITÄTS-  
BIBLIOTHEK  
PADERBORN

## **Davidis Regii Prophetae Psalterium**

**Moritz <Hessen, Landgraf>**

**Smalcaldiae, 1593**

**VD16 B 3258**

Psalmvs LVII. Miserere mei Deus, miserere &c.

---

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

*asclepiaden* Glorior in Domini verbo, celebrabo benignum,  
Et mihi propitium tempus in omne Deum.  
Quid mihi obesse queat, noceat quid turba malo-  
Omnia committam cum mea meq; Deo. (rū?  
Huic mea vota uni persoluam pectore grato,  
Quaq; licet laudes voce vel arte canam.  
Tu siquidem hanc animam lethi formidine soluis,  
Ne titubent, firmas in statione pedes.  
Letus ut ante tuos oculos tua lumina cernens,  
Vivifica hac felix commoditate fruam.

PSALMVS LVII.

Miserere mei Deus, miserere &c.

**S**IS queso, Pater o, propitius mihi,  
Sis clemens, Deus o, propitius mihi,  
Mens in te Domino spem posuit mea,  
Confidit mea mens in Domino suo.  
Sub tuto recubat tegmine cor meum,  
Donec saevities transeat improbi.  
Excelsum Dominum subditus inuoco,  
Et supplex Domini subsidium peto.  
Nam finem faciet Ioua tyrannidi,  
Et causam miseri suscipiet lubens.

Mittens



Mittens auxilium Summus ab aethere,  
A lingua reprobi liberat improba,  
Et sanctis Dominus prospicit optime.  
Hostis ceu leo me, quo voret, arripit.  
Flamma sunt homines ignibus omnibus  
Peiores: mala dant dentibus, ut truci  
Telo: his acrior est lingua, & acinace.  
Te caelos super o Maxime & optime  
Extollas Deus, & nunc tua gloria  
Terrarum superet climata qualibet.  
Nam tendunt pedibus retia qui meis,  
Horum quisq; animam suppressere hanc studet.  
Fossam, quam misero huic gens parat impia,  
Se fodisse sciat, perniciem in sui.  
Cor promptum, Domine, est, promptaq; pectora,  
Ut pangant Domino cantica dulcia.  
Ergo exurge, meum lingua decus mea:  
Et mecum cithara nablaq; suauia,  
Et laudes Domino dicite carmine:  
Te, te laude canam gentibus omnibus,  
Ut Jovae populis gloria nota sit.  
Nam Jovae bonitas celsior aethere est,  
Et Summi pietas nubibus altior,



*Se Cælos super hos efferat optimus,  
Qui nutu regit, & sidera condidit,  
Ac terras Domini gloria compleat.*

PSALMVS LVIII.

Si verè utiq; iusticiam &c.

**D**icite iustitiæ custodes: *mutanè vobis  
Lingua sit, an verbum nesciat ista loqui?  
Dicite, num vester cætus diiudicet æquum?  
Cui dedit in terris iura vicesq; Deus?  
Imo obfirmati in populo patris iniqua,  
Pergitis & manibus contemnerare bonos.  
Nam peruersa manet mens reproba matris ab al-  
Errant mendaces matris ab uberibus. (uo  
Tale illis virus, qualis furor aspidis, aurem,  
Obstruit aduersus carmina quando suam.  
Horum tu dentes, Deus, ò confringe molares  
Acres, quos catuli more leonis habent.  
Diffluere incipiant, labens ceu leniter amnis:  
Ipsorum feriat fracta sagitta nihil.  
Ut limax pereant, vel vitam funere linquant,  
Fætus more, ortum qui perit ante suum.  
Horrida non citius reuifescant vere dumeta,  
Quam*